

www.BibleForChildren.org


मत्ती 8



उ नहाद्दामनेम गालील क्षेत्रडाम काना देलडा लालीकुन्दा
दुस्ताम बाइडा। येशूकु माम मेसिन्डा बाइडा। येशू नुड उनी
सीसिपामिम वो मेराम लालीकुन्दाडा येट्मिडिम बाइडा।



अङ्गूरकु बिलाम हुक्ता, मा येशूकु मामका गुमीलाई ज्वाक्ता,
“ओर्मिमनुड अङ्गूरकु बिलाम मिबु।” उनी मामका खलोपा
मुचुमिमलाई ज्वाक्ता, “गुमीका गानीलाई ज्वामिमिम होडडा
बेनी।”



येशूका खलोपा मुचुमिमलाई ज्वाम्डी, “कु
जुल्खोपमिम कुका देम्बेट्नी।” मेर्मिमका कु
जुल्खोपमिम कुका देम्बेट्मिडी। गुमीका
मेर्मिमलाई ज्वाम्डी, “कतिकलड वाप्नी, मा
गुलाकु डाउलाई कोर्नी।” मेर्मिमका कोर्मिडी।



गुलाकु डाउका मे कु दोण्डु। मेराम अङ्गूरकु बिलाम
दुस्ल्याड्डाम बाइडा। मेराम बालामका रोक्ताम ज्वाक्पा गुका
चड्डुम मेबायावा। मेमडा लोवो कु
वापा खलोपा मुचुमिमका ने
चम्डिम बाइडा।



मेकोतिमा गुलाकु डाउका लारेपालाई कोथो येड्डु, मा ज्वाक्ता,
“खोत्ले मुचुमिमका डादो भ्रपा अङ्गूरकु बिलाम थोमी, मा
बोच्चोमिमका अङ्गूरकु बिलाम
हापा डुमिमिम चडडा मेभ्रपा
अङ्गूरकु बिलाम थोमी। लावो
गाना ने ओम्लोसम्म भ्रपाडा
अङ्गूरकु बिलाम
जुल्थाट्नाम रेछा।”




हेल्लो वो मेल्वाम्मा ओराम उनी खारी खोत्लेडाम
डादो येशूका गालीलडाम काना देलडा
रेम्बेम्डी। आरेसाका गुमीका उनी
युम-इवाकसी रेम्बेम्डी, मा
उनीमा सीसिपामिमका
गुमीडला थोर लुम्डी।



मेकोतिमा येशू पत्रुसकु नेमडा रोम्डी,
मा पत्रुसकु नाइमेकु माम डार्चुमोका
नोपामा झाल्याकपा ल्वाम्डी।



गुमीका मेराम मेसेमकु ल्वा लुप्मिडी, मा डार्चुमोका गुलाई
डिट्ल्याट्हु। मेकोतिमा गु बक्तामा येशुकु चापे-डुपे बुडु।




मेनेम नेम्था नेप्सुड गाम्डालो मेसिन्डा खोत्ले नोपामिम नुड
मुनाडपेलका हुपामिमलाई मुचुमिमका येशूकाडा रेट्मिडी।
मेराम देलडाम खोत्ले डा
मुचुमिम मेराम नेमडा
खोम्सिम्डिम बाइडा।



वाड-वाडमी सोमोरीनुडमा छोम सेर्पा मुचुमिमलाई येशूका
सबेटमिडी। मेकोतिमा छोम सेर्पा मुनाडपेलमिम वो खलुम्डिमी।
लावो येशूका मे मुनाडपेलमिमलाई जेमुडा मेग्वाक्मिवा,
हेडालोने मेर्मिका येशू सु ज्वाक्साका छेट्मिडिम बाइडा।



मे सेर्पा मुचुमिमका येशूलाई लुम्मु माल्मिडी, हेडालोने
खोत्लेलाई सबेट्पा युम गुमीलामका लुक्तोडा लेड्डु।



मेकोतिलोडा ब्ललेका ल्वा-खेल सोक्पा कोले मुचु कुर्मिडिमा
उनीमाडा रेट्मिडी।



मेसिन्डा छोम सेर्पा मुचुमिम बाम्डिमका
मेरामलाई मेर्मिमका येशूकाडा रेन्थिमु
मेचाप्मिवा। मेम्मिमका येशूकु बुइधोलाडा
मे नेमकु मुङ्खुम होट्मिडिमा
मेलामका डा मे ल्वा-खेल सोक्पा
मुचुउमा अम्खोपनुडडा
वाखावा डम्सोम्डी।




मेर्मिम थोर लुम्डिम येशूका ल्वाम्डिमका मे ल्वा-खेल सोक्पा
मुचुलाई ज्वाम्डी, “ए छारी!
इमा छुलमिम हेम्सिमु
दुम्स्तुम बु।” “गो गानालाई
ज्वाङ्गु, बका, इमा
प्लान-कोम्सु फकामा
नेम लक्सा।”



येशू कुबी-बोकसाडला हुम्डी, मा उनी सीसिपामिम वो गुमीनुडडा
लम्डी। मेम्मा कोचोत्ति दिरिदिनडा छोम
डोक्पु ब्लोजु फुड्डु। मेम्मिमका कुकु
बाबारिमका कुबी-बोकसा कुगोयु
ज्वावा प्लुम्डु, लावो येशू
ने अम्चेट्पा बाम्डी।



येशूका मेर्मिमलाई ज्वाम्डी, “याक्के थोरनुडमा मुचुनी, गानी हेडा डिनिमिम?” मेकोतिमा येशू बम्डिमा ब्लोजु नुड कुकु बाबारिमलाई भुर्मिडी, मा छोम पपया दुस्ता। सीसिपामिमका आरे ज्वाक्तो डाडाया दुम्मिडी, “गुमी नै हेप्माम मुचु डे? ब्लोजु नुड कुकु बाबारिमका वो गुमीका ज्वामिमिम होडडा बोमी रेछा!”



हेडालोने माम्चुनीका सुम्दिसेरडाम
मुचुमिमलाई छोम रिखाम बेम्डी, मा
गुमीका कोलेडा उनी तारापाचो ग्वाम्डी।
मेम्साका सुका गुमीडला थोर बु, गु
पुयु मेल, लावो मेसिपा
त्वारोम ल्वासु।



रोमी 3:23 खोत्ले मुचुमिमका छुल बेम्डिमका माम्चुनीकु
युम-इवाक्सीलामका होनोवा दुम्मिडिम बु।

रोमी 6:23 हेडालोने छुलकु खारी बेपा मुचुका ने सिमुलाम रेडु,
लावो माम्चुनीका मेडेडा ग्वाक्साड्डामिम राप्लावा ने इकीमा डाचो
येशू ख्रीष्टडाम हेल्लो मेसिपा त्वारोम सो।

हिब्रू 9:27 खोत्लेका डा कोखेम सिमु बासी मा मेराम चडडा
माम्चुनीका उमा निया बोमी।

एफिसी 2:8,9 माम्चुनीकु दिदामकाडा गानी थोर बेन्नी मा
सेल्सिट्नी। इनी त्वापडा सेल्सिट्निम ने मेएँ, लावो ओराम सेल्सी
ने माम्चुनीका न बेम्डिमा मेडेडा ग्वाक्निमिम बु। मुचुकु सेल्सी ने
जोपा खारी बेसाका ल्वापा मेएँ, मेम्मिमका मेरामकु दुथाम सुका
वो नो डोक्पु बोमु मेचाप्सु।



रोमी 10:9,10 गानी इनीमा त्वाकु सिकाडा येशू डा डाचो
ज्वाक्साका सोनी मा माम्चुनीका गुमीलाई सिमुलाम फम्खेट्मिडिम
ज्वाक्साका इनीमा नगोलामका थोरलुनी माला गानी सेल्सिनी।
हेडालोने गुड नगोलामका थोरलुसाका डा माम्चुनीकु डादोडा जोपा
न-गोकाम दुम्सी। मेम्मा गुड थोरलुइडिम ल्वा त्वाकु
सिकाडा सोसाका सेल्सिडी।

यूहन्ना 3:16,17 “हेडालोने माम्चुनीका सुम्दिसेरडाम मुचुमिमलाई
छोम रिखाम बेम्डी, मा गुमीका कोलेडा उनी तारापाचो ग्वाम्डी।
मेम्साका सुका गुमीडला थोर बु, गु पुयु मेल, लावो मेसिपा
त्वारोम ल्वासु। सुम्दिसेरडाम मुचुमिमलाई मुमा बेन्मु ज्वाक्साका
माम्चुनीका उनीमा तारापाचोलाई थुर्मीडिम मेएँ, लावो
सुम्दिसेरडाम मुचुमिम गुमीलामका सेल्सिमिनु ज्वाक्साका थुर्मिडी।”



1 यूहन्ना 5:11-13 गुमीका सोम्डिम ल्वा ओरामडा: माम्चुनीका
गुडलाई हेल्लो वो मेसिपा त्वारोम ग्वाक्साड्डामी मा ओराम
त्वारोम उनीमा तारापाचोडा बु। उहेम मुचुनुड तारापाचो बुमी
मेराम मुचुडा त्वारोम बु, मा उहेम मुचुनुड माम्चुनीकु तारापाचो
मेबुमी मेराम मुचुडा त्वारोम मिबु। गानी हेल्लो वो मेसिपा त्वारोम
ल्वान्निम बु ज्याक्पा चक्नी ज्याक्साका माम्चुनीकु तारापाचोकु
नडडा थोर बेपा गानीलाई ओराम ल्वा ज्याक्तोडा बेठ।



मत्ती 8-9; मर्कूस 1-2, 4; लूका 4, 8; यूहन्ना 2

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: E. Frischbutter; Sarah S.

Thulung NT (tdh) © Wycliffe Bible Translators, Inc. All rights reserved.

<https://www.bible.com/en-GB/bible/3069/MAT.1.THUL>

©2025 Bible for Children, Inc.

www.M1914.org

www.bibleforchildren.org

